



Na Presidente di Parlamento

drs. P.F.T. Croes

Presente

Aruba, 27 di januari 2012.

Topico: preguntanan relaciona cu debenan, ayudo y prevencion pa cu esaki

Respetable Presidente,

Ricibi adhunto preguntanan dirigi na minister di Economia, Asuntonan Social y Cultura y minister di Finanzas, a base di articulo III.17 di nos Constitucion y articulo 59 di Reglamento di Ordo di Parlamento.

Atentamente,

A handwritten signature in blue ink, consisting of several loops and a long horizontal stroke.

drs. M.G. Wyatt-Ras, miembro independiente di Parlamento


Preguntanan pa minister di Asuntonan Social y Economia y minister di Finanzas

Na decemer ultimo Banco Central, den un encuesta haci titula "nos cartera nos finansa", a conclui cu mas cu 27 porciento di famianan na Aruba ta gasta hopi placa pa paga debenan y cu e debenan aki ta demasiado halto en comparacion cu e salario. Segun e encuesta, na cual 900 famia a participa, mas tanto di famianan cu un entrada comun di ambos partner di 6000 florin of menos tin problema pa paga debenan. Mas o menos 10 porciento di e famianan aki tin retraso den pago di debenan, entre otro di awa, coriente, hypotheek of otro credito. A constata cu 10 porciento tin cu paga mas na debe cu nan salario ta. Segun Banco Central e debenan halto aki ta un peliger pa nos economia. Segun e Banco na momento cu un grupo grandi di persona no por paga nan debe, esaki lo trese problema pa banconan of esnan cu ta duna credito. Por yega na un crisis di credito. A menciona p.e. Estados Unidos su crisis di hipoteca na momento cu e ciudadano no por a paga hypotheeka di cas. Un aspecto importante di e debenan ta e taboe cu nos comunidad tin pa trese e problema aki padilanti dor di cual esaki por escala. Ademá problemanan di debe por trese cune stressy y otro problemanan social-emotional. Saliendo for di resultado di e encuesta y indicacionnan for di nos comunidad ta sigui e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

- Kico gobierno ta haciendo pa monitor nos ciudadanon cu tin debenan halto?
- Cua instancianan gubernamental y no- gubernamental ta encarga cu ayudo y prevencion?
- Cua y cuanto trahador profesional ta encarga cu esaki y na unda nan ta ubica?
- Fundacion Balansa Nobo tin un programa pa yuda ciudadanonan pa paga nan debenan y ta limita na esnan cu tin un entrada.
- Kico ta wordo haci pa esnan cu no tin un entrada, p.e. esnan cu a perde trabao?
- Ki Gobierno ta ofrese ayudo financiero den esaki?
- Ki ta e contribucion no-financiero di gobierno y di ki accionan e ta consisti?
- Cua ta e perfil di e persona cu tin of ta haci debe?
- Den caso Gobierno no tin un perfil, lo trata na haya un bista di e perfil den futuro?
- Gobierno tin pensa di introduci leyman pa proteha y/yuda esnan cu tin debenan halto? Cualnan?
- Ki programa preventivo y informativo tin actualmente pa educa ciudadano pa evita tin debe?
- Banco Central ta trese padilanti cu debenan ta peliger pa Banconan y mas aleu pa nos economia, locual ta preocupante. Ki function Banco Central lo por tin den futuro pa proteha tanto nos ciudadanonan contra mucho debe y nos economia pa no yega na un crisis?
- Debenan ta trese alavez problemanan psycho-social. Miniser tin indicacion cuanto caso di ayudo psycho-social tin pa motibo di of relata na debenan?

- Cuanto caso ta bao guía di Asuntonan Social y cuanto di e caso ta bao guía na Fundacion Balansa Nobo?
- Por tuma nota den medionan di comunicacion di ofertanan di Banco pa invita cuidadanonan pa cumpra un auto of un fianza personal pa por ehempel paga costum di Carnaval, pero cu e interes cu tin cu paga ta hopi halto. Dor di esaki hopi hende ta cai mas atras den pago di nan debenan. Tin plannan pa baha e interes cu nos cuidadanonan tin cu paga? Kizas como oferta pa incentivo pa nos hendenan paga nan debe?
- Tin plannan pa duna cuidadanonan e impuls pa paga nan debenan mas liher? Y cual(nan)?

Atentamente,



drs. M.G. Wyatt-Ras